



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈՍՏԱԲԱՆՆԵՐԻ ՊԱԼԱՏ

## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ք. Երևան

«04» 10 2022թ.

«Եվրասիա միջազգային համալսարան» ՍՊԸ-ն, ի դեմս ռեկտոր Սուրեն Օհանյանի, որը գործում է Կանոնադրության և թիվ 0023, 0024, թիվ 993 պետական լիցենզիաների և թիվ 111 և 14 հավատարմագրերի հիման վրա (այսուհետ՝ «Կողմ 1», մի կողմից), և «Հայաստանի Հանրապետության փաստաբանների պալատ»-ն, ի դեմս նախագահ Սիմոն Բաբայանի, որը գործում է կազմակերպության Կանոնադրության հիման վրա, (այսուհետ՝ «Կողմ 2»), մյուս կողմից (այսուհետ միասին՝ «Կողմեր»),

**Բարձր գնահատելով** ՀՀ Փաստաբանների պալատի պատրաստակամությունը Համալսարանի համար ապահովելու ուսումնական և գործնական աշխատանքներում փորձի փոխանակումը.

**Հաշվի առնելով** Պալատի նպատակը, խնդիրները և Համալսարանի գիտակրթական ու գիտահետազոտական մեծ ներուժը,

**Նկատի ունենալով** իրավագիտության ոլորտում գիտություն-պրակտիկա սերտ փոխգործակցությունն ապահովելու և անհրաժեշտ տեսական գիտելիքներ ու գործնական հմտություններ ունեցող իրավաբաններ պատրաստելու՝ Համալսարանի որդեգրած քաղաքականությունը,

**Ցանկանալով խթանել** համագործակցության ծրագրերի իրականացումը փոխադարձ հետաքրքրություն ներկայացնող իրավագիտության ոլորտում.

**կնքեցին սույն համագործակցության հուշագիրը (այսուհետ՝ Հուշագիր) հետևյալի մասի**

### 1. ՀԱՄԱԳՈՐԾԱԿՑՈՒԹՅԱՆ ԱՌԱՐԿԱՆ

Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ կետով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

### 2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ

#### 2.1. Սույն հուշագրով Կողմերը համագործակցում են՝

2.1.1. Համատեղ իրականացնել «Եվրասիա միջազգային համալսարան» ՍՊԸ-ի ուսանողների ուսումնական, նախաավարտական, գիտահետազոտական պրակտիկաները՝ ՀՀ օրենքներին, այլ իրավական ակտերին համապատասխան,

2.1.2. Իրականացնել նոր մասնագիտական զրականության փոխանակում,

2.1.3. Փոխադարձաբար կազմակերպել և իրականացնել թեմատիկ տարբեր բովանդակությամբ գործնական քննարկումներ, վարպետության դասեր, փորձի փոխանակման նպատակով հանդիպումներ հայտնի մասնագետների հետ, կոնֆերանսներ՝ ՀՀ ներպետական իրավական համակարգի, ինչպես նաև միջազգային խնդիրների վերաբերյալ, մասնակից դարձնելով համալսարանի պրակտիկա անցնող ուսանողներին,

2.1.4. Տեղեկատվություն հայցել և ստանալ՝ համատեղ իրականացվող աշխատանքների կատարման, ընթացքի, արդյունքների, դրանց խոչընդոտող հանգամանքների մասին:

2.1.5. Տեղեկատվություն հայցել և ստանալ՝ երկկողմանի հետաքրքրություն ներկայացնող՝ Հայաստանի Հանրապետության օրենսդրության շրջանակներում Կողմերի գործունեությանը և մասնագիտացմանն առնչվող գիտագործնական, ինչպես նաև մասնագիտական և կազմակերպական բնույթի խնդիրների վերաբերյալ:

### 3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

Կողմերը պարտավորվում են ձեռնարկել բոլոր հնարավոր միջոցները սույն հուշագրով սահմանված համագործակցության ուղղություններով փոխգործակցությունը բարեխղճորեն, Կողմերի միջև համաձայնեցված ժամկետներում կատարելու համար: Սույն հուշագիրը Կողմերի համար ֆինանսական պարտավորություններ չի սահմանում:

### 4. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

4.1. Սույն հուշագիրն ուժի մեջ է մտնում ստորագրման օրվանից և գործում է անորոշ ժամկետով:

4.2. Սույն հուշագիրը կարող է լուծվել ցանկացած ժամանակ Կողմերից յուրաքանչյուրի նախաձեռնությամբ՝ այդ մասին մեկ ամիս առաջ մյուս Կողմին գրավոր տեղեկացնելով:

### 5. ՀՈՒՇԱԳՐԻ ԳՈՐԾՈՂՈՒԹՅԱՆ ԴԱԴԱՐԵՑՈՒՄԸ ԿԱՄ ԴՐԱՆՈՒՄ ՓՈՓՈԽՈՒԹՅՈՒՆՆԵՐԻ ԿԱՏԱՐՈՒՄԸ

5.1. Հուշագրով նախատեսված համագործակցության շրջանակում Կողմերը կարող են համատեղ ծրագրերի իրականացման նպատակով կնքել լրացուցիչ համաձայնագրեր, որոնք չեն կարող հակասել Հուշագրին:

5.2. Հուշագրում փոփոխությունները կատարվում են փոխադարձ գրավոր համաձայնությամբ: Համապատասխան փոփոխությունները բովանդակող փաստաթղթերը կցվում են Հուշագրին և կազմում դրա բաղկացուցիչ մասը:

5.3 Սույն հուշագիրը կնքված է հայերեն լեզվով, հավասար իրավաբանական ուժ ունեցող երկու օրինակից: Յուրաքանչյուր Կողմին տրվում է մեկական օրինակ

### 6. ՏԱՐԱՋԱՅՆՈՒԹՅՈՒՆՆԵՐԻ ԿԱՐԳԱՎՈՐՈՒՄԸ

6.1. Սույն Հուշագրի դրույթների մեկնաբանության հետ կապված տարաձայնությունները ենթակա են կարգավորման Կողմերի միջև բանակցությունների միջոցով:

### 7. ԿՈՂՄԵՐԻ ՀԱՍՑԵՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Կողմ 1

«Եվրասիա միջազգային համալսարան» ՍՊԸ

ՀՀ, 0014, ք. Երևան, Ազատության 24/2  
հեռ.՝ (+374 10) 24 94 38

Կողմ 2

«Հայաստանի Հանրապետության  
փաստաբանների պալատ»

ՀՀ, 0010, ք. Երևան, Զաքյան փող., 7-2 շենք  
հեռ.՝ (+374 10) 60 07 01

Ռեկտոր՝ Ս. Օհանյան



Նախագահ՝ Ս. Բաբայան

